

BAOFISIRI BA KHASTOM BA KA CAPE TOWN BA GOLEGILE MOGONONELWA WA GO KWEFA KA DIOKOBATŠI

Pretoria, Labohlano 12 Julae, 2019 – Baofisiri ba Khastom ba Ditirelo tša Motšhelo tša Afrika Borwa (SARS) bao ba lego ka Boemafofane bja Ditšhabatšhaba bja ka Cape Town ba amogile heroin ya boleng bja R1 million morago ga go longwa tsebe.

Tiragalo ya beke ye e diregile ge dimpša tša didupe tša Khastom di utulla puwere yeo e laeditšego go ba 3.254kg ya heroin.

Heroin e be e phutheletšwe ka bothakga ka mapakana a mararo ka gare ga lekasana la letlalo.

Mogononelwa o be a ikemišeditše go swara leeto la go ya bogare bja naga ya Yuropa ka sefofane sa go fofa thwii go tšwa ka Cape Town ge diokobatši di hwetšwa.

Baofisiri ba Khastom ba fetišeditše diokobatši go Ditirelo tša Maphodisa tša Afrika Borwa (SAPS) bakeng sa dinyakišišo tša go išapele. Maphodisa a golegile mogononelwa.

SARS ka tirišanommogo le diagente tše dingwe tša tiišetšo ya molao ba tla tšwelapele go kaonafatša bokgoni bja bona bja go dupelela le go tšea magato a ka pejana kgatlhanong le yo mongwe le yo mongwe yo a tshelago melao ya naga.

Go lebelela diswantšho kgotla mo, [kgotla mo](#).